

雪廬詩集

稷下李豔炳南著

雪窗習餘

歲交癸亥值冬至望夜天陰無月

三正建子奠岐周遙憶飛熊釣渭流鯤島難逢雲霽夜龍  
鍾每負月當頭無情梅柳窺春動多事風煙接塞愁歲近  
貞元應有轉蒼生不忘鳳麟遊

霧社觀梅

此地梅花好孤山問若何無雲不堪隱況是宦遊多  
得古玩

狂喜得來稀世珍因思作古聚藏人  
知他逢祭歸家日繞室箱廚覓舊塵

明倫月刊增廣頌

數篇論語安天下六字洪名出世間  
易簡聖言辭不費邦家文物誓追還  
雲興衆望龍行雨霧久深藏豹澤斑  
魚墨氤氳終勿用蛙鳴日夜厭癡頑

晚歸鄉居

訪友晚歸家綠蕪阡陌斜遠山初上月  
密樹噪棲鴉近市心如水平連村步當  
車鄉鄰少時尚坦蕩勸桑麻

憑眺

聽天從不受人憐時事多違量習寬烽火半生皆僥倖心  
腸分寸未曾寒南檐短日終長夏北塞前朝督漢官今後  
若非山色好焚香淪茗莫凭欄

幽居月夜

如舟小屋繞煙蘿開牖平鋪素月波便覺天低人在上可  
將吾足濯銀河

時學

君子如雲魯國光時風移轉各行藏人間爭學公輸巧草  
掩宣尼萬仞牆

紫綬環菊之佳種魯產也臺今有之

紫豔纖鈎一尺團霜中放益雪中殘如何亦作他鄉客恐  
是荒天不耐寒

臘八粥晉施

臘粥衝開曉色寒無遮大路任來餐碗中非蜜甘於乳釜  
上蒸雲氣似檀法界悲心隨處施冰天果腹萬人歡善緣  
圓結知何日桃柳春風出藥欄

臘月大寒節後殘夜驟雨雷電誌異

初聞臘盡鼓頻催天與人間鑿凍雷紫電穿窗驚客夢彤  
雲蒸壁撥鑪灰時中雖善吾何有倫序違名事恐顏任是  
英雄猶失箸況非風候酌青梅

臘夜雷雨晨次始知四郊降雹如卵如拳再誌

始信嚴寒冰結天迎春碎解落雲邊馬蹄驕逐轅門鼓鵝  
卵交攻武士拳位在廟廊當敏政野居農圃正憂田左車  
神格今應禱漢統還承未改年

立春客思

尚憶歲寒時多方惠我私抱衾湯婦暖化炭獸心慈似園  
除苛政同舟盡故知今朝春又至出震未能移

除夕自朝

文字債多高築臺方今深悔善門開貪求未遂時招怨輕  
諾生非後有災誓對九霄焚筆硯任教三徑長莓苔漫言

終歲無收穫贏得元辰賀簡來

除夕清供

東風北斗兩相親  
松竹長青似故人  
除夕若還嫌冷淡  
隴梅增插一鉗春

久客

久客翻為主無家不是僧  
妖祥詩眼銳離亂道心增  
花徑攜新俊騷壇憶老朋  
鄉山郭如在化鶴視雲仍

題畫楓林落葉孤松下坐老叟袒臂仰觀二首

落木無邊一樹松  
炎涼不着羨高蹤  
披裘五月昔曾識  
袒臂衝寒今又逢

矯首白雲摩碧天，攜筇隨處坐林泉。  
石牀抱膝云何久，不是深禪便是仙。

春燈節憶歷下亭二首

古詩有濟南瀟灑似江南之句，是日濟俗踏橋泛舟，青衿多被邀入商

店作樂助興。

故國鵲橋會放船，看遠山洲橫渤海。  
右松列岱雲間，是日嘗修楔，何人復往還？  
亭中非李杜，瀟灑帶愁顏。

蘆花飛盡雪堤柳，半垂金燈火塵中。  
聚春光象外，尋閭閻，殘夜酒弦管。  
古人心七十年前事，天涯憶到今。

久雨春晴

久雨初收雲半開，陽春風約入城來。  
四隅紅遍櫻花樹，桃

李遠山村外栽

岳武穆誕辰遙憶

湖山忠骨瓣香分鑄像何人事出群寸鐵野風磨不滅萬  
年長近岳王墳

清明客思

萬里避胡塵清明火又新時艱無淨土花晚怯殘春晝夜  
逝川水天涯非比鄰何當開正眼誰是太平人

清明日又雨

故國無新火邊城厭久霖能歸門插柳勝客酒沾襟大道  
淪泥淨群山入霧沉我思晴世界不獨首丘心



憶明湖聯語

歷亭楹聯四面荷花三面柳一城山色半城湖  
亦有碧簫杯之事

輕舟美酒碧簫杯  
十里荷花四面開  
如此湖山誰作主  
騷人多為賦詩來

諸佛護念有省自責

多春波旬各萬能  
袈裟嚴飾偽傳燈  
無天護法生三武  
問孰虛懷識一僧  
捐棄律儀投水火  
鉤牽惑業結霜冰  
金剛正念人皆有  
覺岸光明不碍登

石岡五福神木

樟枏榕朴相思五樹根幹互交成林  
數千年物奇觀也

連理盤根五樹同  
如雲結蓋自洪蒙  
高天永夕節明月  
勝地皆春暢惠風  
文獻足徵箕子範  
彝倫垂象舜臣功  
菩提

草木聞圓智願汝今歸古大雄

答友人治第問

地僻城隅近宅邊鋪綠苔窗臨流水造門對遠山開庭樹  
行雲過畦花待鳥來春霖與秋月詩境助新裁

西化

諸夏從西化殷憂三十年無言防暗室有字寫青天滕薛  
恢疆宇楚秦攘國聯荒途垂日暮誰起靖風煙

寄身

六朝謂清代末業及狩台諸變予九五齡作

峨嵋渤澥遠遊人愛舊山河寄舊身俯仰之間無限事六  
朝煙雨百年春

題歸馬回顧圖

射雕歸馬萬方寧，天下無山可勒銘。  
緩轡遙看後來者，不知誰與畫丹青。

題猴戲圖

麟臺雲閣意如何，犬背猴冠弄劍戈。  
不是村翁能造物，時機只在數聲鐮。

俊傑游生去世周歲入夢哭之

不信老無淚，霑衣今尚流。  
悲君身已化，入我夢中遊。  
醒後各分散，思來空自愁。  
心香何處蕪，落日海西頭。

立秋西顧

海嶽羈孤客，周桐五十秋。  
惘然歸不去，何處是齊州。  
島國無蟬唱，時還星火流。  
應知霜後降，先積玉山頭。

新秋

涼風拂羅幕，閣巷擣衣礮。  
客緒終宵月，秋聲萬里心。  
思鱸歸楫杳，窺鏡有霜侵。  
不及龍沙雁，年年返舊林。

讀高大鵬現代讀經問題論文

天末飛郵簡，一函應聲金石立。  
辭嚴百年為學非，鄒魯九度迴腸茹。  
苦鹹芥鉞羨君能，直道蕨薇慚我困。  
長鏡興來思戴情，無盡幾欲深宵掛雪颿。

情人廟美僑，捐建淫祠七夕乃國古節。  
今竟改稱情。

人節類祀典焉二首

祀有情人典風從美地來  
華僑由被化紺殿壓新臺  
首廢周公禮兼除月老媒  
凡塵與天上此夜路徘徊

萬類乾坤象倫常寧有私  
雌鳩開國祚奠雁古昏儀  
但舉西門豹河巫失詭辭  
中天申信睦砥柱作君師

過友人山居

孤松千百載修竹兩三竿  
只許幽人住結廬容膝安  
疏窗冬曝日清蔭夏生寒  
山匝低牆入誰先青眼看

中秋夜思

獨避妖氛海上遊  
故園西望月中秋  
家人容或叨天幸  
今

夜不知何處愁

癸亥中秋夜誌慨

南溟北仰七星文，禹甸鯤臺秋色分。  
終歲皆看今夜月，重山久斷故鄉雲。  
孤衾晚熱無詩夢，萬戶夷歌厭酒醺。  
晨漏海涯沙際濶，應知相待有鷗群。

仲秋夜台中獨晴

四方今夕墨雲堆，皓魄雙川印水來。  
光被人間應不二，天心何獨厚中台。

讀近代史

絃歌久輟習羌胡，祖武茫然不識無。  
却羨元清還政去，遙

承文德述唐虞

九日島上閑居

彭澤塵爵杳新亭  
江水流鄉關待歸雁  
海嶠歷高秋籬落  
菊花淚唾壺如意  
鉤客心聞節醉不羨  
酒泉侯

菊籬客思

菊花開為報重陽  
山似同情正換妝  
孤客籬邊誰送酒  
天涯秋色灌詩腸

臺俗重陽祀祖氣候猶熱

揮扇登高天氣新  
歸來禴祭有多鄰  
瀛洲淨土時行夏  
不受西風半點塵

九月九日對菊

客裏黃英是故人，三秋手把倍相親。  
輸君晚節容先瘦，遜我霜天思出塵。  
種黍陶潛偏闕酒，斷蓬王勃半無鄰。  
荒途幸得清幽侶，應護疏籬不插巾。

九日憶歷山菊會

山有一覽亭登而北眺鵲華等九列孤山及黃河濟灤諸水均在望中

黃河入海不歸來，看菊他鄉五十回。  
佳色都隨塵世改，詩葩曾覆歷山開。  
九煙題壁人猶健，萬里馳魂酒昔頽。  
幾欲臨風書往事，江南梯葉罕成堆。

秋思

邊地秋風早，生涯百不如。  
天高征塞雁，客久斷鄉書。  
水火



塵中徧乾坤夢裏殊何時開正眼自在解乘除

清宵醉茗廣雅及桐君錄均載令人不眠

秉燭讀書能靜慮清宵啜茗得奇芬書香無種嘗多士茗  
妙如心不可云今古饕餮鮮知味童蒙闕黨速成文虛窗  
醒睡自為主習就趙州隨處醺

拾紅葉

霜天落紅葉愁緒欲題詩更有意中意旁人渾不知

蓮社門臨柳綠兩川觀水

繞門川水向西流落日煙波伴客愁碧海有涯天有末不  
知何處問歸舟

所見

浥露采芙蓉歸齋向佛供  
忍教寒翠袖不使落塵蹤  
罷誦貝文卷纔聞山寺鐘  
日高檀未熄法喜上眉峰

刀尺

刀尺千家月色清  
他鄉盡是斷腸聲  
世間從古多遊子  
況奈今人好甲兵

紅邊白石竹亦屬奇卉

雪簇瓣香千百重  
緣邊都作絳絲縫  
若非天與人爭巧  
裁練亦無刀剪蹤

亂說欺愚

荀子是特姦人誤於亂說以欺愚者

雙樹荒亡歲月閒，波旬窺竊入靈山。  
毛龜角兔人多昧，點首彌天石不頑。  
故慧從來依聖量，盜名安可納禪關。  
心工滅法超三武，誰悞衆生召野豻。

正謬

前人勸學云書中有黃全顏玉似失養正之義

詩書禮樂正乾坤，幾個儒生不戲論。  
結網羨魚都誤解，黃金顏玉餌癡魂。

癸亥十月望晴貞吉

雲密屯千里，陰連滄海生。  
天青無十夜，月印鏡湖明。  
復自下元起，忽逢三島晴。  
思歸人北望，應止日南行。

天涯感

大明湖中有藕神廟祀詞人清照

歷下亭南我舊家，烽煙六代走天涯。  
愁吟應有詩人志，不獨明湖吊藕花。

廣交

孤棹久辭黃浦江，知交非只讀書缸。  
空庭曉起鴉鳴樹，隔水長來月映窗。

報歲蘭

餘寒未盡立春前，九畹同芳各自妍。  
客裏漫勞頻報歲，豈能彫鬢不知年。

月

兔白吳剛斧，姮娥順世情。  
伐柯光倍顯，搗藥壽長生。  
滄海

日初曉白宮天未明胡人捫假月聊以慰空行

新歲感

誰使妖氛壓九垓典謨乘筏入鯤臺南風不悔莫須有漢  
幟終當還復來歷代山陵從舊祀兆民田畝再重開天心  
隨順人心轉會看匡時降大才

月當頭夜

碧霄垂皓月銀漢東西橫高林穩棲鳥萬籟皆不鳴我蓄  
烏龍茶汲泉手自烹靜敲三兩碗身心俱爽輕滅燭未肯  
寐北軒坐前楹其間別有境欲說無可名豁然若開悟斯  
乃天下平

胡雁

胡天書雁字零亂不成文將喪孔子先非王右軍遮欄  
青冢月衝斷絳霄雲鴨鷺來何許于喁述見聞

今之一切食物皆含毒劑

民食依鴆毒無書事空前群生非不知聚訟徒紛然有云  
順時代未可多言詮吾衰聽失聰或係雙耳聾自戕率天  
下今政難與從仰面長太息垂頭憶神農

吾廬

獨坐青氈四壁書三千世界乃吾廬偶爾無心嘗矯首不  
知何處是鄰居

癸亥歲暮

聞道重逢堯甲子，寧忘收拾舊山河。  
胡天沴氣愁增歲，老革羈魂總枕戈。  
曆象復初應自健，金甌歸故不求苛。  
春風願及寰輿國，萬物同圓一太和。

甲子新元頌

客館依然我今朝，舊歲除風塵三尺。  
劍興廢等身書新政，澄清水衰翁擯墨豬。  
干戈投四海，萬國飲屠蘇。

閑居述志

閑居陋巷聚多鄰，來往何嘗盡詠春。  
匡世有心培後進，荒途無累賴清貧。  
遙山入室窗留黛，修竹橫天境絕塵。  
老去

終存憂樂志非棲林壑伴幽人

客中清明二首

春衣微雨不能霑農圃青郊萬畝鎌時有騷人駐車問前  
村酒好幾家帘

清明無酒客天涯短鬢皚皚簇柳花似雨榆錢雖博施買  
春持問向誰家

旅臺遊蘆花峪憶齊州閔子墓

故園東郭外閔子舊佳城喬木他年淚蘆花今日情膠庠  
迂孝友宇宙尚縱橫莫決齊川水遙涵海月明

濟東門名  
齊川

題蘆花峪攝影



蘆花如雪亦如絲回首鄉關禮昔賢憐我把看無限意馳  
魂不獨入齊煙

世風

祇園猶憶布黃金疇昔風光不可尋震旦未曾逢馬列典  
謨先自混苔岑四部除經多綺語三天有道少聲聞何人  
立志存匡正一念絲絲貫古今

采石磯月

采石磯上月獨來照謫仙履裙倚岸賞且莫登鯨船精靈  
入滄海返棹今杳然夜闌各歸去江濤湧中天幸無賦詩  
者皓魄依舊圓

伏惑

塵劫荒悠久心開似晚晴  
密雲天一綫伏惑識還生  
風色隨緣遣蟾光印水平  
如今淺不捨復進問深行

客中立秋日詠梧桐

數間茅屋倚修桐  
可向南天遮祝融  
莫道葉疏搖落早  
初彫一片是秋風

答人問李杜優劣

兩儀太極自渾圓  
無可分爭後與前  
牛耳騷壇惟有杜  
蓬萊誰敢敵飛仙

題贈佛儒月刊

竹林多為翰林知風雨往來非一時偏是鴻儒解禪定高  
僧寧有不工詩

冬日幽居遣興

寒山升旭日宿鳥散庭柯月色牀前厚霜華瓦上多野芳  
仍自豔煙海永揚波時向東皋暮登臨嘯且歌

讀吳孚威傳

春秋五百降雄才掃蕩煙塵次第開關岳浩然餘正氣萬  
方微有一蓬萊

憶岱

良山超海入東齊湧出岱宗餘拱西平野先昏遲曉夢高

峰侵曙唱天雞丹霞蕩漾重霄近青藜微茫萬象低日觀  
不知多少丈却疑堪作太清梯

甲子九月初 民國狩台改重陽為敬老節

又說重陽近老安榮典新乾坤非宿昔糕酒晉蒸民舊物  
餘甦笠荒城闕里鄰催租捨風雨不獨惠詩人

野居秋興

日暮西風偶捲簾羈孤抱膝止茅庵淡容霜後菊荒徑淺  
瀨烟凝秋印潭架筧懸流無所住疏籬來月逗機參姑言  
欲學塵中戲今世難求蘇子瞻

國際交歡

萬國宮闈月夜開會盟樽俎大賓來時務流風速郵騎愁  
聞鯤島詠新臺

過黃君故墅有懷

近郭東山下黃君舊有廬蓮塘任鱗躍雲樹借鳩居秋至  
曾連榻今來暫駐車前塵疑未滅還見月臨除

養疴

休宴塵緣少渾同昔掛冠燈明秋夜靜雲去草堂寬偏執  
南冥從遲消北斗寒神州軒帝闢未許一甌殘

廬山早梅

曉月隴頭梅始春瓣香天地盡超塵不知孤客題詩去誰

是後來居上人

靜坐

是水是山俱不知  
焚香坐到日高時  
客來隨分陪甌茗  
客去常留一首詩

十月

野居連陌植幽篁  
客似江流入大荒  
問字談玄皆往事  
應知十月在成梁

天末重陽憶故國  
佛山賞菊二首

佛古千尊靜遮山  
菊正芳名流慣拾  
級佳節况重陽  
陵谷列雞黍  
推敲探錦囊  
洞天通竹院  
老衲白眉長

斜日過林迴環山酒罄瓶峯巒人去瘦松柏霜同青虛壁  
增文藻征途半醉醒鄉關愁北望只恐地無靈遊客多采  
菊折楓而歸乃領聯實際

遼東華僑歲除還鄉祭祖聞而誌之

孤旅歸天末星霜念在家殘更割新韭深幕護唐花繞屋  
鄉音入出牆喬木斜年年如候鳥徒羨彼頑槎

憶金陵

春秋天氣日多佳朱雀橋邊稅有齋記得月明隨畫舫曾  
徵簫鼓醉秦淮

秋思西望

弦月涼天蟋蟀秋清光含露浸西樓湖山故國如還在悵  
望何方狐首丘

采茶

江村少女半田間炊黍煙消晝掩關攜伴采茶迎曉日踏  
歌隨鳥轉春山

鯉魚潭泛舟誌感

知交今昔兩相參茶鼎鑪香列草庵移席牽舟爭作主鯉  
潭深許幾桃潭

乙丑歲復遊谷關今昔相距歷二十年之久一草一  
石鬼斧天工俱含詩意並嗟建設之奇才五首



記得潭鋪練未遮山萬重舊遊天地改全被畫詩封摩詰

莊能仿公輸斧似達迷塗多欲問高下覓芳蹤

嗟新建設  
奇才

方丈誰曾見三臺可互邀交瀧懸峻嶺飛雨灑晴霄梵洞

竹原紫田家鎌不樵盤桓歸語默萬物共逍遙

雙瀑灑雨  
懸崖梵洞

華清偶西望一念起嫌猜秋夕驪山殿客星嚴子臺源泉

隨處湧駐境自心裁余志欣山水非專為浴來遙憶華清

峰疊難飛去泉溫有冷時陋居逢暖慰久客荷青垂濁世

尊經少胡天悔禍遲聞仙碧巖上猶著半殘棋八仙巖棋

聯袂貪幽賞悠然日色傾雲穿花徑去風逐激湍鳴靈壁

藻華瘦新烟春服成歸途且高詠不必有人賡歸途高詠

前遊谷關諸友云雙瀑之源在後高峰邀往探奇不  
果二首

天一生源水氤氳不可窮銀潢千界廣碧落萬層空化育  
何年始浮沉幾度終混元無異相天水本圓融  
圓非有先後融豈辨高低升降仍平等參差固自齊星辰  
無上下利海互東西想像應如是前人早菩提

鳳凰樹

氣候以台中為度北枯南榮

鳳凰花入鳳凰臺疑是金陵展轉來島布澄潭汪氏主詩  
成倚棹謫仙才丹霞半向中天落翠羽深遮負郭栽村市  
帘非萬家釀看誰反手棄醅杯

重遊中興佛社有感彼處之山獨平百里

飛塵厚積數層樓  
昔日嘗從舊雨遊  
詩禮敦醇居宴適  
煙嵐平遠俟晴秋  
無常聚散誰能主  
想像林泉反惹愁  
搔首欲歸歸不去  
終教靈鷲住心頭

近秋

百歲駒光速孤帆  
厭久遊馳魂依北渚  
殘月掛新秋  
亭柳青還在  
峰雲暑未收  
朽骸漸暴虎  
刀尺或堪籌

觀杉林溪青龍飛瀑二處

大海湧群島  
連峰銜玉瀧  
漫天渾作水  
絕塞本無窗  
晝夜逝何所  
蛟龍居是邦  
忘懷偶從衆  
未到片心降

看竹

修竹數竿窗外斜  
看時不必問誰家  
清風吹過傾然笑  
無碍種梅鋤月華

海無行雁誌感

胡字指中國以外不限北塞

衡雁不超海胡沙終蔽天  
隨時安簟被萬古歷桑田  
未至三車轉猶餘一線牽  
能求暫忘我守口避高玄

讀李太白集感時

人間謫有期天路恨歸遲  
水逝月還照文光神在茲  
長鯨濤上待白苧夢中思  
休道七風雅程鸚正唱詩

余生黃泳造地藏聖像贈供日適蓮友攝私影囑題

感而賦之

法界九華叢蓮邦八水功超塵何有我緣影似真空太白  
標恒烟陽明塵幾稷謝君離色相願本具西東

乙丑中秋夜賞月

此夕臨飛鏡秋蓬斷客魂大荒何處照短袖欲長捫疇昔  
詩如海庭除酒滿樽木犀香未隱嗟悼舊乾坤

乙丑重陽憶佛山菊會

故國時回首今愁復盪胸西傾舜田日返照霧臺松病棄  
千觴酒漸餘百歲容秋高菊萬壑或恐陷狼烽

重陽遙憶

高空昨夜度輕霜  
孤館看山旭日涼  
遙憶故園三徑菊  
同秋同瘦不同鄉

天絲 深秋烏羽脫化見中國醫學辭典

野濶山當戶  
霜高石出波  
印潭魚怖月  
埽疥壁無詩  
去住瞻干木  
邦家問仲尼  
青城愁萬古  
天鬢亦凋絲

臺省為產茶之區嗜者集焉江叟以蜀之仙掌茶惠贈此昔人以之贈李太白者余感酬謝

王肅王濛遍海涯  
難同我李兩詩家  
安禪雖棄蘭陵酒  
傲幸忝陪仙掌茶  
日午閑庭烹澗水  
風翻叢竹蕩煙霞  
朋來似有微機在  
不與提壺到處賒

羈客三世逢節誌感

異鄉春夏秋冬節闕里東西南北人孤雁長征渾似我斯  
文高閣半由民遙天流照秦淮月海客飛揚胡塞塵起弭  
時危繩祖武影形交外更無鄰

賞梅誌慨

野梅依舊好開遍隴頭春分靄花如月簇香詩有鄰楚呼  
雞是鳳天止雁書人萬法原清淨危心悉染塵

人相感

大荒無際碧天圍南斗雁由北斗歸莫擯空書著人相能  
禁匣劍作龍飛

西嶽月觀峰詠月

華嶽峻增映岱宗雙峰日月觀西東群倫個儻秉間氣一  
念逍遙超太空安得主人師北海誰開法眼友文翁升恒  
仍看平鋪照萬億殊途受不同

夏霜

溽暑鏢金南斗旁海風衝破我衣裳由來是處專行夏何  
以朝朝鬢結霜

關山

百年身世獨飄零天下峰巒次第經萬象隨時歸老眼山  
容纔識故關青



今古塵

萬象森羅今古塵誰援海衆返天真  
文殊見說隨機感料有維摩入夢人

梵刹答友人問二首

花月皆虛妄根身急瀑流行藏何處問前路有莊周  
緣生無利鈍妙諦順機宜不用三僧劫圓成六兩時

蓮薰

憐君局隘囿山丘不識逍遙天外遊  
樂鳴風樹心開悟蓮海香薰石點頭

難離

歲歲燎原草未栽，縱餘樗櫟不成材。  
羣生各具優曇密，一瓣肯離方外開。

未熟

未熟黃糧四十年，衣冠禽獸兩茫然。  
從君欲問將來事，依舊風光如是傳。

隱居

人如霜菊屋漁舟，矯首天涯貧不憂。  
邱報西來思養晦，癯容莫傍鏡前遊。

廬山攜友賞梅有感三首

疑雪似雲曠遠天，時人漫與話林泉。  
香中遙憶羅蘭粉，不

識唐家孟浩然

歲暮逢春憶稷門海隅多契慰琴樽同遊欲訪林和靖雪  
滿深山認履痕

尋香待月踏蒼苔除却詩家不種梅何日能移千萬樹舟  
車回到歷山栽

供梅五首

几插餅梅早有朋來雒陽攸然偶面壁疑是鏡中香  
鄧尉山如在青陽幾樹新高標遠有韻不染四方塵  
嶺表歸人少春來雪有無遙天詩盡怨窗月未曾孤  
巴峽逢除歲暗香凝客窗鯤臺每緣影思蜀是家邦

厭亂天心轉五洲春欲蘇南枝如有信先報雪僧盧

贈梅誌感

有人贈梅與公務人員千餘株偶閱明人蕉山筆麈有感茲錄其原文於後

元伯顏南征還詩云「擔頭不帶江南物只插梅花一兩枝其節操何愧曹武惠行李蕭然也但惜江南梅花攜之塞北耳使江南將相有伯顏者此梅花或可留得

綻紅梅逐早春肥一半清癯作雪飛宦海將枯留不住供君退插數枝歸

還梅

玉笛聲前見落花  
春來春去等無差  
寒空心與根盤鐵  
只待新除再駐車

歌樂山林主席官邸

此首乃馬子晉先生錄自「今國風」詩集（戰時重慶之詩刊，六十二年，在臺結集出版）函寄編者。謹注，並致謝忱。

晴江抱檻綠泫泫  
僊館塔墀草色薰  
蕉葉障天春有雪  
梅花滿澗水流芬  
凌霄超出三千界  
排闥飛來九疊雲  
傳道塗山賓萬國  
樂歌餘響至今聞